

8°

Rhet.

271

W


Rhetor 271

w

416 297 890 100 18



3 Ruet. 271



EPITOME

DIALECTICES, THEOBAL-
DO BILLICANO AV-
TORE.

M. I.

En quod longa tibi uix commentaria prestant,
Iste liber mira cum breuitate docet.
Hunc breuitas si grata placet studioſa iuuentus
Aſſidua ſemper ſedulitate legas.

R. S.

Tradere uis logicen pueris argute Magister,
Feceris auſpiciūm non meliore libro.
Est breuis et tersus, docet insuper omnia clare,
Quæ pueros primo ſcire elementa decet.



HIERONYMO RIC-
CIO, ADVLESCENTI OPTIMO,
Theobaldus Billicanus. S. P. D.

MAGNA ME HER CLE SPES
est, Hieronyme charissime, futurum aliquan-
do, ut resipiscat mundus, ab ignorantiae inue-
terate & inolite malo, tot & literis & literatis pas-
sim, renascentibus, ut De conducendo tractet iam Rhe-
tore Thule. Contingit enim diuino munere, ut Germa-
nia, equis & armis, quam Musis & literis aptior, ta-
men non postremas partes, in quois etiam literarum
genere obtinuerit. Magno sane miraculo, cum ob coeli
inclemantium & crastitiem, tum ob hominum miram
in discendo tarditatem & hebetudinem: sed ne per-
petua esset fœlicitas illa, & solidum gaudium, miscuit
Sathan, omnis uirtutis inimicus, & ueræ salutis, quod
equidem fateri cogor, uastam et inauditam perniciem,
in ipso statim limine, ut non iniuria, cum summo bono,
summum malum prouenisse dicas, scilicet hæc est uir-
tutis umbra, ut quo maior est & illustrior splendor di-
uinae beneficentiae, hoc pestilentior sit umbra, que il-
lum consequitur, sed tamen me cōsolatur, spes eximia,
fore ut inuidia quandoq; maiora studia, cōtemptu suo,
restinguant quicquid est enati & subsecuti mali, quod
ueteres ipsi toties, & tot symbolis significarunt, peri-
culo rei docti, ut non dubitem aliquando extinctum iri,

malum

33

Univ. Bibl.
München

malū Germanie, & literis & uirtutibus perniciosum.
Te igitur pro uirili mea, & oro, & obsecro Ricci
optime, ut quam coepisti spem optimo cuiq; promitte=
re, & cuius nonnullum specimen prebuisti, eam præ=
stes, quantumuis magno & duro labore; non nisi labo=
re uirtus datur, & recte Isocrates dixit, uirtutis radi=
ces amaras esse, fructus dulceis, & Græci χαλεπα
ται καλα. Ego sane uirtutum tuarum nonnulla por=
tio, nunquam te hortari desinam, quin recta, ad pro=
positam gloriam, ut coepisti, festines, neq; cohortabor
solum, sed omnia quoq; quantum per me fieri potest,
nonnihil commonstrabo, ut ad familiæ tue splendorem,
& nominis dignitatem, ipse adcessionem fecisse non
iniuria dicare. Quæso uero ut has interim qualescunq;
præceptiunculas, breues sane & paucas, obuias exci=
pias, quod si multa desideras, memento non uolumen,
sed epitomen, non absolutum, sed uix incepturn opus
esse, puellis quos erudio scriptum, non proiectis, neq;
alio nomine, quam ut his præceptionibus discant ut=
cunq; dialecticæ prima tyrocinia. Mihi hoc satis est, si
uel gustum quendam tenera ætas imbibat, quarumlibet
professionum, ut deinceps minore cura & la=
bore, in liberalibus disciplinis institua=
tur. Vale per Iesum Christum
Ricci mi tu. Nordlingiaci
Calen. Nouem.

Anno. M. D. XXX.

A 2

COMPENDIUM
EPITOME
DIALECTICÆ.

Quid est Dialectica? Est differendi facultas,
de quocunq; proposito themate.
Quid uocas thema? quod in quæstionem,
uel in disputationem cadit. Ut omnis res de qua inqui-
ritur.

Quotuplex thema? Duplex. Simplex, quod est res
simplex, ut iustitia, ut uirtus, ut uoluptas. Compositum,
quo dicitur alterum uel inesse, uel non inesse alteri, ut
sit ne iustitia uirtus, sit ne uoluptas bona.

Quid inquiritur de simplici re? quid sit & quam
multiplex, ut quid iustitia, & quam late pateat, &
quam multiplex sit.

Quid de composita re? Verum ne sit, an falsum,
inesseret uel non inesse alterum alteri, ut an iusticia sit
uirtus, An uoluptas sit bona.

CANONES.

Omnem rem simplicem, definitionibus & diuisio-
nibus docet inuestigare dialectice, ut de iusticia cognos-
cenda, primo inquirit, quid sit, secundo, quam multi-
plex iusticia, atq; ita de alijs rebus propositis.

Res composita, argumentationibus peruestigatur,
ut iustitiam

DIALECTICES.

ut iustitiam esse uirtutem, probatur hoc argumento,
quia est adfectus bonus, & fidem iustificare, probatur
hoc argumento, quia securam reddit conscientiam de
Deo.

Quæstiones de re simplici sunt, quid est, quotplex,
simplex an multiplex, unum an plura.

Quæstio de re composita. Quare uerum sit, uel fal-
sum, hoc quod dicitur, ut quare uerum sit iusticiam esse
uirtutem. Quare falsum, uoluptatem esse bonam.

Ad quæstionem, quid est & quotplex potest aliter
atq; aliter responderi, iuxta discrimina definitionum.

Ad quæstionem, quare uerum uel falsum, responde-
tur item multifariam, ut in locis Dialecticis audietur.

Quot sunt ergo capita Dialectices? Tria. Defini-
tio, Diuisio, Argumentatio.

Definitio & diuisio, pertinent ad simplicia. Argu-
mentatio, ad composita.

CANONES.

Qui uolet definire, diuidere, debet percognitas &
in promptu habere, rationes quinq; uocum prædicabi-
lium, Speciei, Generis, Differentiæ, Proprij, & Acci-
dentijs.

Sola species definitur. Definitio constat genere &
differentia, aut proprio, aut accidente.

Diuisio, est generis per differentias in species, aut
totius in partes.

A 3 Qui

COMPENDIUM

Qui uolet definire & diuidere, necessarium est, ut ordines rerum siue prædicamenta sciat, quibus & ordinis & discrimina cognoscet.

DE PARTIBVS

Dialectices.

Quot sunt partes Dialectices? Tres. Iudicium, Inuentio, pars media.

Quid est iudicium? Est ratio simplicis, aut compo- sitæ uocis. Simplicis, sit ne res Species, Genus, Diffe- rentia, Proprium, Accidens, Substantia, Qualitas, Quantitas, Relatio. Compositæ, sit ne uera, Falsa, Atens, Negans, Vniuersalis, Particularis, Necessaria, Contingens, Impossibilis.

Quid est inuentio? Est peruestigatio medij, ad probandum necessarij, ut quare alterum alteri uel insit, uel nō insit, necessario, contingenter, quare nō posse messe.

Quid est media pars? Quæ rationem subducit col- ligendi ex qualitate & quantitate axiometum, secun- dum argumentum siue medium redditum, ut quare uoluptas non est bona? Quia est fomes uitiorum. Nunc collige.

Omnis uitiorum fomes est mala,

Voluptas est uitiorum fomes, ergo,

Voluptas est mala.

Pars Dialectice, quæ iudicium uocatur, in quo uersatur?

DIALECTICES.

uersatur? In traditione prædicabilium uocum, prædicamentorum, & propositionum.

Pars Dialecticæ, quæ inuentio uocatur, in quo uer-
satur? In traditione locorum Dialecticorum, hoc est,
signorum, argumentorum, & exemplorum.

Pars media in quonam? In figuris, modis, & ter-
minis syllogismorum.

IVDICIVM DE PRAE- dicabilibus.

Quid est definitio? Est duplex, Nominis & Rei.
Quid est definitio nominis? Est expositio Grammatica
nominis, ut Sacrilegium est sacræ rei ablato. Quid est
definitio rei? Est quæ uel naturam uel conditiones na-
turales rei explicat.

Quotuplex est definitio rei? Quadruplex. Essen-
tialis, Causalis, Partitio, Accidentalis.

Essentialis, quæ habet uerum genus & dif-
ferentiam, ut homo est animal rationale.

Causalis, quæ ex causis constat, ut sonus
Quid est est aer ictus.

Partitio, quæ ex partibus, ut homo est quod
constat anima rationali & corpore.

Accidentalis, quæ constat accidentibus.

CANONES.

Definitio maxime constat genere & differentia, si

A 4 absit

COMPENDIUM

absit, differentia, proprio, si hoc absit, accidente.

Definitio & diffinitum recurrent & conuertantur, ut est homo, ergo animal rationale. Est animal rationale, ergo est homo.

DE DIVISIONE.

Divisio, est rei late patentis, qua patet, seclio.

Duplex divisio.

Generis in species, ut animalis in hominem, asinum.

Scilicet Totius in partes, ut hominis in caput, uena trem, pedes.

PRAEDICABILIA.

Quot sunt uoces prædicabiles? Quinq;. Species, Genus, Differentia, Proprium, Accidens.

Individuum, est infimum sub specie ultima, quod non dividitur, ut hic homo, hic color, haec uirtus, hic pater.

Quorum conducunt prædicabilia? Ad definiendum & dividendum, quia species definitur per genus & differentias. Genus dividitur per differentias in species

Species, est uocabulum commune proximum individuo, quod primum occurrit in diffinendo individuo, ut homo.

Genus, quod primum occurrit in definienda specie, ut animal.

Differentia, est qua dividitur genus in species,

DIALECTICES.

Quid cies, ut intellectuale. et id est differat ab intellectuali.
Proprium, est propria naturae indoles, ut laetitiae
chrymabilem esse, est hominis proprium. A solis hanc legem est
ut in hoc sententia
Accidens, est uocabulum, quod significat rem naturae extraneam, ut sapientem, doctum, ni-
grum, album esse.

Individuum, est quod exprimitur per pronoun-
men hic, haec, hoc, ut hic homo.

Ad interrogationem per quid, respondetur uel spe-
cies, uel genus. Per quale respondetur uel differentia,
uel proprium, uel accidens.

Quotuplex est genus? Duplex. Summum & Me-
dium. Summa sunt quatuor. Medium quod ponitur in-
ter imam speciem & summum genus, ut quicquid in-
ter substantiam & hominem ponitur, est medium ge-
nus, dicitur enim genus & species. Genus dicitur, quod
habet sub se specie. Species, quae habet supra se genus.

Substantia summum genus.

Corpus

Viuum Sunt genera & species

Animal

Homo, imam species.

Species etiam est duplex. Ima, qua non est inferior,
ut homo, pyrus. Media, que etiam est genus, ut animal.

DE PRAEDICAMENTIS.

A 5 Quibus

COMPENDIUM

Quibus nominibus ferè vocantur prædicamenta? His ferè. Ordines rerum, quod in ijs uniuersitas rerum à summo genere, ad imam speciem digeratur, capita statuum, quod sint summæ seu capita, inquirendi de re simplici proposita. Inquiritur enim de qualibet quid sit, quæ est substantia rei, quam multiplex sit, quæ est quantitas; qualis sit, quæ est qualitas; quem respectum habeat, quæ est relatio.

Quot sunt prædicamenta? Quatuor. Substantia, Quantitas, Qualitas, Relatio. Aristoteles decem ponit, addit enim Actio, Passio, Quando, Vbi, Situs, Habitat, sed ad relationes coguntur.

Quomodo differunt prædicamenta? Prima tria, Substantia, Quantitas, Qualitas, sunt rei sine respectu acceptæ. Relatio uero, est rei cum respectu acceptæ, ut homo quatenus est homo, est substantia, quatenus longus ad quantitatem, quatenus bonus, ad qualitatem pertinet. At quaterus maritus, pater, dominus, ad relationem, hæc enim insunt respectu quodam ad uxorem, filium, seruum.

Prædicamentum relationis maxime necessarium est cognitu, plurimum enim refert qua ratione quid fiat. Sic Cicero de officio ex circumstantia temporis, personæ &c. differit. Sic Aristoteles omnes uirtutes cum respectu ait considerandas. Et omnino oportet qui uoleat de rebus differere, maxime cognitam habere rerum

DIALECTICES.

verum relationes, & circumstantias.

Quis, quid, quando & ubi, propter quid, quomodo dicat.

Iam in Euangeliō Christus iubet relationem habere prædicationis, ne porcis, ne canibus obijciamus, ergo prædicatio Euangeliū, relationem habet &c.

Quid est ergo Relatio? Est ipse respectus rei, ē loco, tempore, persona, & tate, conditione, sexu, actione, passione, collatione, natus.

Pater

Filius

Dominus

Seruus

Longus collatus alteri.

Propinquus collatus alteri.

Fœmina, Mas

Iuuenis, Senex

Diues, Pauper

Atheniensis Germanus.

Quot sunt species relationis, seu potius modi res conferendi? Sunt tres iuxta numerum aliorum præmentorum. Substantiae, Quantitatis, Qualitatis, in= nascitur enim in omnibus respectus.

Primus modus est agendi & patiendi, ita substantiae conferuntur penes actionem & passionem, ut pater filius, dominus seruus.

Secundus

COMPENDIVM

Secundus est, æ qualitatis & inæ qualitatis, & secundum hunc conferuntur quantitates, ut longum, alteri longo, tempus temporis, motus motui, mora moris.

Tertius est, similitudinis & dissimilitudinis, & secundum hunc conferuntur, ut Sapientes sapientibus, scientes scientibus, callidus callido, industrius industrio, clarus claro, album albo, serenum sereno. Atq; hæc plurimum conducunt ad progymnasiam laudandi & uituperandi, & maxime omnium ad comparationem. Ita comparatur celeritas rei, gestæ in bello, cum cunctatione, quæ gloriæ cessit & saluti.

Quid est substantia? Est ipsa rei natura. Vel est res per se existens cui innituntur accidentia, ut sunt Relationes, Qualitates, Quantitates.

Substantia.

	Quantitas
Accidens	Qualitas
	Relatio.

Quid est quantitas? Est mensura rei uel secundum magnitudinem, uel secundum multititudinem.

Magnitudo	die grosse
Multitudo	die viele
Mensura	ein teylung.

Quot sunt quantitatis species? Due. Continua & Discreta.

Quot modis res diuidi potest? Duobus, scilicet secundum

DIALECTICES.

Secundum magnitudinem, & secundum multitudinem.

Magnitudo & continuum idem sunt. Multitudo & numerus siue discretum, idem sunt.

Continuum, est cuius omnes partes sunt unum. Discretum, cuius quaelibet pars separata est, ut decem homines.

Quot sunt species continuorum? Tres. Linea, Superficies, Corpus.

Linea, est longitudo.

Superficies, est latitudo.

Corpus, est profunditas.

Tres sunt ergo dimensiones continuorum. Longitudo, Latitudo, Profunditas.

Quot sunt species discreti? Una. Numerus.

Numerus, est unitatum collectio.

Vnitas, est principium numeri.

Numerus est duplex. Simplex, Compositus. Simplex, ut Binarius, Ternarius, Denarius. Compositus ut Duodenarius. Numerus primus & minimus est binarius, maximus est denarius.

Quid est qualitas? Est secundum quam dicimur quales, ut à iusticia iusti, à fortitudine fortes, à temperantia temperati, ab officijs industrijs.

Quot sunt qualitatis species? Tres. Corporalis, Animi, & Voluntatis.

Color

COMPENDIUM

Color	
Sonus	
Corporalis, ut	Odor
Sapor	Calidum Durum
Qualitas	Frigidum Molle
tactilis	Humidum Asperum
	Siccum Lene.
	Sapientia
	Intelligentia
Animi qualitas	Prudentia
	Memoria
	Ars
	Scientia.
	Fortitudo Iusticia
	Temperantia Amicitia
Voluntatis	Liberalitas
	Benignitas
	Verecundia.

Hæc præceptor omnia ad propositum aliquem ordinem referat, & hinc Species, Genera, Differentias, Diuisiones, Diffinitiones &c. inuestiget.

S V B S T A N T I A.

Corporalis Incorporalis
qua uideri & tangi potest, Deus, Angelus, Anima.

C O R P V S.

Compositum Simplex
quod ex elementis confit. Cœlum, Elementa.

DIALECTICES.
COMPOSITVM.

Vium Non uiuum.
Vegetale, sentiens, intell. Aurum, Metalla, Gemmae.

V I V V M.

Sentiens Non sentiens.
Arbor Frutex,
Suffrutex Herba.

A N I M A L

Intelligens Non intelligens.
Homo, hic homo.

D E P R O P O S I T I O N I B V S.

Quid propositio? Est compositio prædicati ad subiectum, ut uoluptas est mala. Homo est intelligens.

Quot sunt partes propositionis? Due. Subiectum & Prædicatum. Subiectum est, de quo dicitur aliquid. Prædicatum, quod de altero dicitur, ut animal dicitur de homine, homo est animal.

Quot sunt diuisiones propositionum? Quinq;

Vera, quæ consentit rebus, ut homo est animal.

Prima Falsa, quæ non consentit rebus, ut homo est brutum.

Adfirmativa, qua alterum alteri dicitur inesse, ut homo est animal.

Secunda Negativa, qua alterum dicitur non inesse alteri, ut homo non est asinus.

Vniuersalis,

COMPENDIVM

Vniuersalis, qua alterum dicitur inesse uel non inesse alteri uniuersim, ut Omnis homo est animal.

Quid est propositi. Particularis, qua alterum dicitur inesse, Tertia uel non inesse alteri, ex parte aliqua, ut quidam homo est prudens.

Indefinita, qua alterum dicitur inesse, uel non inesse alteri sine signo, ut homo est animal, homo est albus.

Necessaria, qua prædicatum necessario inest subiecto, ut homo est animal, homo est intellectualis.

Quarta Contingens, qua prædicatum ut inest, ita potest non inesse, ut homo est doctus.

Impossibilis, qua fieri non potest, ut prædicatum insit subiecto, ut homo est brutum.

Quid est propositi. Simplex, qua sine coniunctione prædicatum dicitur de subiecto, ut homo est animal.

Quinta Composita, qua cum coniunctione dicuntur aliqua de aliquibus, ut si furatus est rem sacram, est sacrilegus.

CANONES.

Propositiones indefinitæ, nunc uniuersales, nunc particulares sunt, ut tulerit prædicatum necessarium, uel contingens.

Signa

COMPENDIUM

Signa uniuersalia, faciunt uniuersalem, particula-
ria, particularem propositionem. De signis uide Eras.
primum de uerborum Copia.

DE PVGNANTIA PROPOSITIONVM.

Quid est propositionum pugnantia? Est qualitatis
& quantitatis propositionum oppositio.

Qualitas, est affirmatio, negatio.


Quantitas est uniuersale, particulare.

Quotuplex est propositionum pugnantia? Tri-
plex. Contraria, Subcontraria, Contradictoria.

Contraria, est oppositio uniuersalium in qualitate
& quantitate.

Subcontraria, est oppositio particularium in qua-
litate & quantitate.

Contradicens, est oppositio uniuersalis & parti-
cularis in qualitate & quantitate.



COMPENDIUM

Quorsum conductit pugnantia? Ad confirmandum
& confutandum, ut sciam quid cui, & quomodo pugnet, aut non pugnet.

CANONES.

Contrariae possibles, possunt ambæ esse falsæ.

Contrarie necessariæ & impossibilis, nunquam possunt ambæ simul ueræ, aut falsæ esse.

Subcontrariae possibles, possunt ambæ esse ueræ.

Impossibilis uero & necessariæ, non possunt.

Contradicentes siue possibles, siue impossibilis, siue necessariae nunquam possunt ambæ uel ueræ, uel falsæ esse simul.

Secunda

DIALECTICES.

SECVNDA

PARS DIALECTICES.

INVENTIO.

Vid est Inuentio ? Est medijs, siue argumenti
ad probandum necessarij, peruestigatio.

Q Cur de Inventione statim sub tractatum
propositionum doces ? quia Inuentio docet medium,
& causam cur uera, false, necessaria, possibiles, im=
possibiles sint propositiones. Porro nemo colliget, nisi
prius inuento medio.

Quid est Medium ? Est causa cur prædicatum, uel
insit uel non insit subiecto, uere, false, necessario, con=
tingenter, impossibiliter.

Quomodo ergo inuenitur Medium probandi ueri=
tatem uel falsitatem rei propositæ ? Per locos Diale=
ticos.

Quid nam est Dialecticus locus ? Est quasi signum
quoddam, quo monemur, unde petamus causam siue
medium, siue argumentum differendi.

Quotuplices sunt loci, Duplices, sicut etiam pro=
bationes, scilicet, Artificiales & Inartificiales.

Quinam sunt artificiales ? Qui offerunt medium
ex themate natum. Qui inartificiales ? Qui adferunt
medium extrinsecus.

COMPENDIUM

De locis inartificialibus.

Tabulae, Libelli, Chirographi.

Testimonia, Autoritates, Autores.

Rumores,

Præiudicia,

Tormenta, Quæstiones.

Proba aliquid per locum inartificialem. Si quis neget debitum, tunc per chirographum eius probo. Si quis neget solem esse terra maiorem, per autores Astrologos probo. Si quis neget fidem iustificare, per Apostolum probo. Si quis avaritia & luxu & impietate diffluentes, neget perdendos, probo præiudicio Dei in Iudeos & Romanos.

DE LOCIS ARTIFICIALIBVS.

Loci artificiales quomodo diuiduntur? Trifariam, quidam sunt signorum, quidam argumentorum, quidam exemplorum.

Argumenta unde ducuntur? A personis & rebus.

Qui nam potissimum ad probandum & docendum ualent? Loci argumentorum à personis & rebus. Signa enim maxime præparant, quanquam interim necessario etiam probent. Exempla potissimum mouent, recreant, &c.

DE SIGNIS.

Quot sunt divisiones signorum? Due. Prima, quædam sunt necessaria, quædam probabilia. Secunda, quædam

DIALECTICES.

quædam antecedentia, quædam consequentia, quædam
in rem cadentia.

Necessaria, quæ necessario inferunt, ut peperisse signum est, non esse uirginem. Da ergo à signo causam & medium, quare non sit uirgo? quia peperit.

Probabilia, quæ non necessaria inferunt, ut hoc loco uisus es, ergo occidisti.

Signa Antecedentia, quæ præcedunt factum, ut ens sem emisse, prolapsasse aciem.

Consequentia. Expalluisse interpellatum de cæde, guttas sanguinis in calceis inuentas.

In rem cadentia. Cum cædes patrata est, non uisum &c.

A loco

A tempore

Consequentibus

Loci si= Præcedentibus **Vnde media**

gnorum In rem cadentibus sumamus.

Occasione

Spe perficiendi & cælandi

Commodo.

CANONES.

Signa maxime ad causas coniecturales conducunt,
ubi quis factum inficiatur.

COMPENDIUM

Signa complura non modo præparant iudicem & auditorem, sed non nihil mouent, adeoq; docent uerisimile esse quod dicitur.

ARGUMENTA PER= sonarum.

Quomodo probo aliquid argumentis seu medijs, quæ ducuntur à personis? Ad hunc, ut quod animus aliqui non abhorreat ab aliquo flagitio, probas à studijs, quia nulli unquam honestæ rei operam dedit. Sic Cicero eleuat fidem testimoniū à natione, quia sint Graeci, qui ferè sunt mendaces. Item, quod quidam non sit usq; adeo auarus probas, quia adulescens, qui profundit libentius quam querat.

Quomodo ualent hi loci? Maxime ad laudationem & uituperationem, progymnasmata Rhetorica, & sunt cognati signis.

Da locos argumentorum à personis, sunt hi ferè.

Genus, Natio

Patria, Sexus

Aetas

Scilicet Educatio & disciplina

Habitus corporis

Fortuna, Conditio

Studia, Res gestæ

Consilia factorum.

Horatius

DIALECTICES.

Horatius.

Nec imbellem progenerant aquilæ columbam.

Martialis.

Crine ruber, niger ore, breuis pede, lumine leſus.

Rem magnam preſtes Zoyle ſi bonus es.

Virgilius.

Soli cantare periti, de Arcadibus.

Pan etiam Arcadia ſi mecum iudice certet.

Pan etiam Arcadia dicat ſe iudice uictum.

DE ARGUMENTIS

à rebus.

Propoſita propositio, ut homo eſt animal, à quo ſumam argumentum ſeu medium? uel à ſubieſto, uel à prädicato, maxime tamen à prädicato, ut quod homo fit animal, à ſubieſto probo, quia lachrymabilis eſt, la= chrymat, numerat. A prädicato, quia ſentit, mouetur, adſicitur.

Qui nam loci ſunt diſſiciliſimi, & maxime certi? Loci argumentorum à rebus ducitorum. Sunt autem ferē.

Etymologia

Essentia

Finitio

Notatione cauſarum

Scilicet

Descriptione accidentium.

Genus & ſpecies

Differentia.

Totum partes

B 4

Efficiens

COMPENDIUM

Causæ, Euentia	Efficiens
	Materia
	Forma
	Finis.

Contraria, ut album, nigrum.

Repugnanciæ Relatiua, pater, filius.

tia Priuatiua, cæcum, uidens.

Cōtradicentia, sedet, non sedet.

Scilicet Coniugata, sapiens, sapientia, sapienter.

Adiuncta, atq; is locus maxime grauis est.

Similia.

Maius.

Minus.

Par.

Exempla addet præceptor uel ex Cicerone, uel Fa-
bio, uel ipsis autoribus, quos prælegit.

LOCI EXEMPLORVM.

Quinam sunt exemplorum loci? Hi fere.

Similia

Dissimilia exempla. Huc conduceat historia

Contraria Valerius Maximus &c.

Fabulæ Apologi

Parœmiae Sententiæ

Chreiæ.

Hi nouissimi loci, ceu stellulae quædam erunt in ora-
tione.

De ultima

DIALECTICES.

DE VLTI-

MA PARTE DIALE=

CTICES.

Vid est argumentatio ? Est argumenti per orationem explicatio.

Quæ argumentationum species ? Hæ færè. Epagoge, Exemplum, Enthymema, Syllogismus, Coaceruatio.

Inductio quid est ? Est plurium singularium collectio, ad probandum uniuersale, ut quod quenq; trahat sua uoluptas, probo.

Torua leæna lupum sequitur, lupus ipse capellam.

Florentem cithysum sequitur lasciva capella.

Te Corydon ô Alexi, trahit sua quenq; uoluptas.

Eandem argumentandi formam. Terentius in prima scœna Andriæ habet, quod omnium hominum ingenia, à labore, ad libidinem sint proclivia.

Singularia quæ sunt ? quæ sub aliquo comprehenduntur, ut sub homine, homo priuatus, publicus, sacer, prophanus &c.

Quid est exemplum ? Est collatio similium, aut dissimilium ad aliquid probandum.

Exemplum similem, ut Imperatoris cum imperatore, Apostoli cum Apostolo, Episcopi cum Episcopo.

COMPENDIVM

Exemplum dissimilium. Philosophorum cum Christo.

Si Philosophorum placita tanti fuerunt apud se=ctatores, cur non tanti atq; adeo pluris sint Christi placita apud fideles?

Coaceruatio quid est? Est prædicatum prædicati, subiecto addere, ut homo est animal. Animal est uiuum, ergo homo est uiuum.

Valet autem in quolibet ordine rerum, ubi superiora prædicantur, de inferioribus sui ordinis.

Quid est Enthymema? Est imperfectus syllogismus, uel est ratio redditia, cum illato themate, ut Clodius est insidiatus, ergo iure est cæsus.

Quot sunt partes Enthymematis? Duæ. Antecedens & Consequens.

Antecedens Clodius est insidiatus, ergo,
Consequens Clodius est iure cæsus.

CANON.

Si prædicatum antecedentis & consequentis idem est, deest minor propositio, ut fiat integer syllogismus.

Si subiectum antecedentis & consequentis idem est, deest maior propositio, ut fiat integer syllogismus.

DE SYLLOGISMO.

Quid est Syllogismus? Est duobus, pluribusue concessis, ad id quod nondum concessum est, peruenatio.

Quæ

DIALECTICES.

Quæ sunt illa duo aut plura concessa? Sunt aperte et note propositiones, factæ ex medio reperto in locis.

Quod est illud nondum concessum? Est id quod erat probandum.

CANON.

Id quod proponitur in disputationem, quod uocatur interim quæstio, interim propositio, illud est quod concluditur per syllogismum, & uocatur deinceps conclusio, ut utrum omnis uoluptas sit mala.

Quæ nam sunt partes syllogismi? Due propositiones, & conclusio, & tres termini.

Propositio maior, in qua ponitur prædicatum conclusionis cum medio.

Propositio minor, in qua ponitur subiectum conclusionis cum medio.

Conclusio, in qua non ponitur medium.

Maior terminus, siue maior extremitas, est prædicatum conclusionis.

Minor terminus, siue minor extremitas, est subiectum conclusionis.

Medius terminus, siue medium, est terminus qui non ponitur in conclusione.

Quot requiruntur ad compositionem syllogismi? Duo Figura & Modus.

Quid est figura? Est ordinatio medij in duabus propositionibus.

Quid

COMPENDIUM

Quid est modus? Est ordinatio propositionum in qualitate & quantitate.

Quot sunt figuræ? Tres. Prima, Secunda, Tertia.

Prima, in qua medium subiicitur in maiori propositione, & prædicatur in secunda.

Secunda, in qua medium prædicatur in utraq;

Tertia, in qua medium subiicitur in utraq;

Medium nunquam intrat conclusionem.

CANONES DE MODIS ET qualitate propositionum.

Propositiones nunquam possunt esse ambæ negatiæ. Si propositionum una negatiua fuerit, necesse est conclusionem negatiuam esse, & econtrario.

CANONES DE QUANTITATE propositionum.

Propositiones nunquam possunt esse ambæ particulares. Si una particularis fuerit, necesse est & conclusionem particularem esse, & econtrario.

Sciendum est, quod omnis questio proposita, aut est uniuersalis, ut an omnis uoluptas sit mala, aut est particularis, ut an aliqua sit mala, aut affirmatiua, aut negatiua, & hæc vocantur quatuor genera problematum.

Primo ergo inspice quantitatem propositionis questionæ, dein qualitatem. Sub hæc uide ad quam figuram te conferas.

De modis

DIALECTICES.

DE MODIS FIGVRARVM.

Quot sunt modi primæ figuræ? Quatuor, scilicet.
Vniuersalis affirmatiuus. Vniuersalis negatiuus. Par=icularis adfirmatiuus. Particularis negatiuus.

Vniuersalis, est cuius conclusio est uniuersalis.
Mo= Particularis, cuius conclusio est particularis.
dus Adfirmatiuus, cuius conclusio est adfirmatiua.

Negatiuus, cuius conclusio est negatiua.

Ergo in prima figura colliges omnes quæstiones.

Quot sunt modi secundæ figuræ? Tantum duo.
Vniuersalis negatiuus. Particularis negatiuus.

Quot sunt modi tertiae figuræ? Tantum duo. Par=icularis adfirmatiuus & particularis negatiuus.

Nunc ut breuiter admoneam quomodo syllogismum facias, adcipe.

Primo, ponitur quæstio eam uide quanta sit, & qualis.

Secundo, inquire per locos Dialeticos medium ad probandum eam.

Tertio, Vide in quota nam figura concludatur ea proposita quæstio. Nam in prima omnis quæstio con=cluditur. In secunda tantum negatiuæ, in tertia tantum particulares.

Quarto, Si uoles in prima figura syllogismum fa=cere, dispone ut medium sit subiectum maioris propo=sitionis, & prædicatum minoris. Sic in secunda, ut medium

C O M P E N D I V M

medium sit ubiq; prædicatum. In tertia, ut sit ubiq; subiectum. Dein adde prædicatum conclusionis uel questionis ad medium in primam propositionem, & subiectum conclusionis ad medium in secundam.

Quinto, Considera quantitatem propositæ questionis, quam oportet in syllogismo probari, considera etiam qualitatem, & confer te ad quatuor canones quos de modis posui, ita & facile colliges. Si questio fuerit adfirmativa, tunc nulla propositionum poterit esse negativa. Si questio fuerit uniuersalis, tunc nulla propositionum poterit esse particularis. Adhuc neq; ambæ negatiæ, neq; ambæ particulares poterunt esse propositiones.

S T U D I O S O P V E R O.

Si studiose puer dialectica discere quæris?

Paruus en iste liber prima elementa docet.

Quam breuis est tam gratus erit tibi sæpe relectus

Gratius est terfa nam breuitate nihil.

Ad Lectorem

M. I.

Cur adeo multis semper precor optima ferdent?

An quia per pauci recta probare solent?

Aut lapis ut gallo preciosus, uilis habetur,

Sic quoq; uel stupidis non placet iste liber.

